

續修四庫全書



《續修四庫全書》編纂委員會編

續修四庫全書

上海古籍出版社

三〇七・史部・別史類

弘簡錄二百五十四卷(卷一百六十一至卷二百二十四)

〔明〕邵經邦撰

2285/07

弘 簡 錄 四

〔明〕邵經邦撰

據復旦大學圖書館藏康熙二
十七年邵遠平刻本影印原書版
框高二〇七毫米寬二九六毫米

弘簡錄卷一百六十一

明刑部員外郎仁和弘齋邵經邦學

皇清翰林院侍講學士四世孫遠平校閱

庶官 宋六之六

劉保勳 劉蟠 子銘 宋瑄 袁席 樊知古 附李順

張雍 附世 索湘 袁逢吉 姚坦 魏羽 子職 吳

王子興 鄭文寶 董徽 何蒙 慎知禮 子從吉

張佑 胡川 附龍 張秉 父壽 黃震 邊肅

劉式 魏廷式 盧之翰

劉保勳字脩業河南人五代時處讓之子少好騎射後唐清泰

中攝潞州左司馬隨著彰德軍衙內都校父卒補供奉官習刑

名之學頗工詩桑維翰奇之擢太常丞歷漢為秘書丞周廣順

初以詳練法律薦兼大理正遷工部員外郎歷掌鄆宋楚三州

監剋商稅宋初改戶部母喪起復掌斬口榷茶徙雲安監鹽制

置使歲滿獻羨餘百萬開寶初遷司封員外監左藏庫六年知

宋州太平興國初遷祠部郎中通判晉州二年遷為江南西路

轉運使賜錢百萬三年徙兩浙東北路親征晉陽改戶部郎中

為隨軍轉運借侯陟勾當軍前諸事會陝西北路轉運雷德驥

調發沁州軍糧後期又命保勳代之太原平擢知并州逾年入

判大理出知昇州召歸點檢三司開拆司權領鹽鐵事遷兵部

郎中兼判三司勾院八年右諫議大夫知開封坐冤獄免雍熙

二年復起權御史中丞兼勾當差遣院北征知幽州行府事子

利涉以開封兵曹督芻粟隨軍濟巨馬河王師不利保勳馬陷

淖中利涉自後撤出之力不勝人馬相擠壓遂俱死年六十二

贈工部侍郎命恤其後擢孫巨州秘書正字後至北部郎中保
勳性純謹未嘗忤物精於吏事不憚繁劇受君命不辭難接同
僚多得其歡家無餘貲故聞者痛惜之至道三年又錄次孫世
長為正字咸平初妻卒贈錢十萬

劉蟠字士龍渤海人漢乾祐進士解褐益都簿宋初歷安遠軍
河陽節度推官保義軍掌書記性清介能攻苦食淡然事苛刻
好設奇詭以售知人主乾德五年召拜監察御史典染院事太
祖多臨視蟠偵知駕將至輒衣短後衣芒屨持挺督役頭蓬不
治遂出迎謁上以為勤事賜錢二十萬命代蘇曉掌京城市征
頗稱幹集太宗生辰命為使開寶七年與殷中丞劉德言同知
淮南諸州轉運事部民販茶者聚蟠獨乘羸馬偽稱商人抵民
家求市民家不疑出與之即擒寘于法太平興國初就遷倉部

弘簡錄 卷一百六十一
員外郎改轉運使歲漕江東米四百萬斛以給京師頗為稱職
秋滿乞留許再任賜金紫改駕部員外八年內艱起復知京城
陸路發運會河決韓村大發丁夫塞之命調給其餉朝議東封
擬拜水陸計度轉運使索湘副之俄歷工刑二部郎中充河北
水陸運使入判本部事籍田畢遷左諫議大夫淳化初兼同考
京朝官差遣卒年七十三賜錢十萬給其喪事 子錯初蔭大
理評事咸平二年擢進士嘗獻幸太學頌真宗頗嘉賞之出示
輔臣召試命直史館累遷至戶部郎中終三司鹽鐵副使
宋瑞字寶臣渭南人監察御史鸞子乾德中及第解褐青城簿
倅吳延祚承典書記擢著作佐郎知綿州太宗改右贊善大夫
峽路運副代還賜緋魚出知秦州有善政就拜監察御史充陝
西轉運使以治績賜錢五十萬再知秦州安集諸戎部內清肅

雍熙初召歸賜金紫授度支判官遷屯田郎中知益州屬歲饑多盜以方略擒捕招輯盜屏息下詔嘉獎端拱初就拜右諫議大夫為西川轉運使加左諫議改陝州性清簡歷官三十年未嘗問家事好為書常聚至數千卷以貽子孫曰使不忘本也淳化中移蘇州值三吳饑疫瑞病卒年六十一上聞嗟悼錄其子明遠為浦城簿復登淳化進士為都官員外郎柔遠亦及第垂遠開門祇候

袁廓劍州梓潼人舉蜀進士入宋歷雙流西平二簿勾稽漏籍得民丁萬餘州將薦其勤職遷上蔡令課最提右贊善大夫御史府分領推事掌權貨務性岑誕敢大言好詆訐太祖待以奇士太宗遷殿中丞出知楚州歸掌京師市征歲中增課數萬緡賜緡魚資錢五萬命按錢假納土得以便宜從事藉浙中諸州

弘簡錄 卷一百六十一 三 監官宋五

軍倉庫之物悉輸京師詔罷異之每公宴必別席而坐復命知耶拜監察御史通判房州幾察泰王廷美賜白金三百轉殿中侍御史戶部度支判官與陳恕李惟清專計度芻糧改戶部員外郎籍田轉本曹郎中判戶部勾院廓強項好爭數典判使等較曲直於上前上每優容之然以勾稽過密由是簿領擁積為部吏所詬詔御史辨問廓謁見宰相趙普自理普面責與侯莫陳利用交通狀廓驚慙泣下不能對數日出知溫州就遷鴻臚少卿與同郡袁仁甫不協互有論奏上遣光祿丞牛韶往按廓以憤死上聞追悼驗仁甫所訴無實特免詔官削仁甫名配隸商州贈廓右諫議大夫錄其子丘賀為奉禮郎樊知古字仲師其先長安人曾祖僻濮州司戶參軍祖知論事吳為金壇令父潛事李景知漢陽石埭二縣因家池州知古初

名若水應舉不第謀歸朝偶為魚釣往來采石江上以小舟載繩維南岸疾抵北岸以度江之廣俠開寶三年詣闕上書言江南可取狀太祖令送學士院試賜及第調舒州軍事推官恐老母與親屬留者為江南所害詔煜令遣之煜聞命厚給齎裝護送至境七年召拜右贊善大夫王師倚為鄉導下池州命領州事州民保險者擊之連拔二砦擒其魁以獻餘潰散獻議造浮橋先試於石埭口移至采石三日而成不差尺寸事平拜侍御史乘傳按行江南諸州詢訪利病兼知轉運事奏蠲江南官茶

十分之八征其餘以便商人增市直以惠小民罷鐵錢十當銅錢一民甚便之太宗即位改今名授庫部員外郎換金紫轉京西北路轉運加虞部郎中改知邠州移鳳翔入為鹽鐵判官出領荆湖轉運使雍熙初遷比部郎中會河朔用兵分諸郡為東西兩路以給漕輓以知古為東路運使端拱初遷右諫議大夫移河北西路二年就加措置營田使奏請脩城木五百餘萬牛革三百萬上曰所請過當恐重困吾民令有司量給官物與之度支李惟清請發河南十七軍州轉粟以備河北軍儲上恐妨農不許惟清固請上遣左正言馮拯乘傳與議知古請俟農隙

弘簡錄 卷一百六十一 四 監官宋五

令民轉餉所言稱旨拜給事中知古性明俊有才力史幹捷給指辭辦治累任轉運甚得時譽然以李煜時用兵惟宜調斂知古悉奏為常額又知古徵時尋於豫章洪氏至是以洪氏嘗掌昇州權酷通錢數百萬資償銅錢以快意時論少之俄為戶部使頗以職事不治詔書切責聲名益減素與陳恕親善上嘗言及計司事有乖違者以為知古輕佻恕具以告後因奏事自解上怒怒漏泄兩罷之出知梓州改西川轉運使知古鬱鬱

不得志常稱足疾未嘗按行郡縣蜀中雖號富饒然土狹民稠耕種不足以給乘并者益規厚利自歸朝後庫藏悉入內府有司於常賦外更置博買務禁商旅不得私市布帛蜀民重困淳化中背城民小王波語其眾曰吾疾貧富不均為汝輩均之乃聚徒攻陷青城掠彭山殺縣令齊元振旁邑響應是年冬小波中流矢死衆推其妻弟李順為帥初黨與纔百人州縣失於備禦所在蠶起迨至萬餘攻蜀州殺監軍王亮及官吏陷邛州賊勢益張舉至數萬陷永康軍雙流新津溫江郫縣縱火大掠往攻成都燒西郭門不利引去陷漢興彭州旋陷成都官吏走東川知古坐擅離所部制置無狀朝廷特宥之詔復令掌兩川漕運尋改知均州以懲悖卒年五十二上嗟憫賜其子漢公同學究出身

弘簡錄

卷一百六十一

五

唐書卷六

張雅德州人姿貌朴魯中丞膝中正夫其異日顯達壽考以女妻之開寶六年以毛詩中第釋褐東關尉太宗遷至秘書丞開封推官坐與劉保勳同免尋復為御史臺推直官淳化中累遷戶部使出知梓州就命為西川轉運使王小波亂雅訓練士卒得三千餘人募強勇千餘守城雅州金帛以實幣藏命推官陳世卿書記施謂權鹽謝濤治戎器伐山木為竿銷鎗弩為箭鎗紐布為索器械悉備賊渠相里貴衆十餘萬附城下雅與監軍盧斌登堞望之兵皆老弱無鎧甲斌請開北門出擊雅不可曰賊或詐見老弱設伏誘我且城中吏民心未定脫墮姦計非良策也俄果有卒凭敵樓呼嘯將為外應雅亟斬以徇賊設機衝火車晝夜鼓譟城中大恐雅命發機石碎之火箭雜下賊稍退復於城西北隅治攻具雅命軍士曰開東門出擊賊賊望見

果伏精甲於城東以待雅乃密縱敢死士百輩出西北焚其攻其自午達申殆盡賊驚以為神凶黨數乘城戰皆不利一日北風狂驟賊乘風縱火急攻北門雅與斌等領兵據門立矢石間固守不動賊為之却長圍八十餘日會石知顯來援始潰去遣謂入奏手詔褒美擢雅給事中餘遷擢有差景德初雅累遷至兵部侍郎同知審官院車駕朝陵判留司尚書省出知鄧州以尚書右丞致仕卒年七十雅小心吝嗇蒞事勤恪好為米鹽苛察以肅下恃其清幹愛知益矯厲以取名譽所至晏犒幸皆裁節公錢聚為羨餘會集賓佐纔糲食而已在三司置簿籍有按前急馬前急急中急之日頗為時論所訾子太冲官殿中丞陳世卿字光遠南劍人登進士為衡州推官改梓州世卿素苦射賊薄城時獨當城一面親射中數百人賊為稍却丁外艱雅表其有材復出視事就改掌書記還遷秘書郎歷廣州通判加博士召見賜緋景德初擢福建轉運使規畫南劍安仁等銀場歲增課羨累遷荆湖北路轉運使屬澧州慈利縣下溪等四州蠻侵縣境朝命與祇候史方知澧州劉仁霸同討之遂還所侵地標正經界取其要領納還所掠漢口復置澧州武口等砦以控制之賜詔嘉獎還朝屢進溪洞利害召對願効煩劇授秘書少監知廣州加賜金紫至郡奏除計口買鹽之制人多便之卒年六十四錄于南安主簿儼為太祝

弘簡錄

卷一百六十一

六

唐書卷六

索湘字巨川涪州鹽山人登開寶進士調鄆州司理參軍受詔鞫齊州大獄連逮千五百人事隨以白太平興國四年和峴薦其能累遷監察御史命與戶部推官元玘按行河決民田改河北運副經度供餽以能幹聞加屯田員外郎會君子館敗契丹

軍市租得隱漏數萬計因言有司調遷失平疏寔何由上達本
州錄事參軍郭震十年未代河間令崔能前任卽墨未滿歲遷
秩請罪典司以肅弊賜詔褒諭遷太常博士歷官戶部郎中
疏言三司職官頗衆願省其半可以責成仍條列利病二十事
詔下有司詳議皆以爲便改鹽鐵判官時北邊多警朝議耕戰
之衝拜羽河北東路營田副使改兩浙轉運使淳化初遷爲度
支鹽鐵使先是三司簿領繁積吏緣爲姦雖管更立所制未爲
適中羽請依倣唐制分天下郡縣爲十道兩京爲左右計各置
判官領之以羽爲左計使董儼爲右計使中分諸道以隸焉未
久復以非便罷守本官出知滑州真宗景遷權知開封軍駕北
巡判留司三司再爲戶部度支以疾解職三年五十八羽強力
有吏幹小心謹事出入計司凡十人年習知金穀之事然頗傷
私簡錄 卷一百六十一 九 嘉祐宋六
煩急不達大體太宗亦言其有心計但無執守與物推移耳歷
制職始踰四十始長盡白 子璵字川之奏補校書郎知開封
倉曹參軍持法精密明吏事上元起燈山宦者挾勢誅索璵密
以間諱杖遣之以大理寺丞知衡山縣歷官提點廣南西路刑
獄邕州療戶婦女緣道負沒爲傭者千餘璵悉奏還之就除轉
運使調劉銀時雷化欽高州計口稅減柳州無名役四百召爲
度支判官徙梓州路轉運累遷太常少卿知廣州疏東北城門
繫東西澳爲水閘時其啓閉拜右諫議大夫坐送貢餘柳子煎
餉京師降知鄂州復陝西河北運使以給事中知開封政事嚴
明吏民憚之俄因內東門關得賂遺物付府窮治獄未上內降
釋罪璵不行執奏諫官吳奎論劾降知越州僕寇發獨廣州城
堅不能下論功遷工部侍郎集賢院學士兼廣東經略安撫使

召還糾察在京刑獄進龍圖閣直學士知荆南五溪蠻彭仕義
叛條上三策以招徠爲上守禦爲下攻取爲失卒如所議徙澧
滑鄧三州以吏部侍郎致仕卒璵居官所至整辦與人置對未
嘗屈然專任機數不稱循吏 弟琰字子浩以恩授祕書正字
爲吏強敏名齊于璵累官司農卿知福州徙廣州以疾告知江
寧晚昏詔奏劾召判刑部進衛尉卿卒
王子與字希孟舊人曾祖甲以義勇爲鄉人所推唐末淄青徐
兗皆南結吳人以拒梁梁得三鎮吳人北侵益急沂密尤被其
害州民聚爲八砦以扞寇迺署甲爲八砦都指揮使祖徽襲父
職晉末賊帥趙重進掠高密徽戰沒父璵復嗣其職周世宗平
淮陽始去兵卽農厚自封殖命子與業文辭登太平興國進士
解褐北海簿歷大理評事使西蜀決獄還累遷太常博士真宗
公簡錄 卷一百六十一 九 嘉祐宋六
遷殿中侍御史因對與三司論利害推子與爲長轉度支員
外郎每事上計司移報稽滯求兼省職因命爲鹽鐵判官仍領
制置塩課五十餘萬咸平三年充淮南轉運子與精於史事周
知利害裁量經制公私便之所至郡縣以公事申請者文牒紛
委頃刻待報皆決遣略無凝滯明年召拜右諫議大夫戶部使
方奏事疾作什地掖出至第卒
鄭文寶字仲賢襄城人南唐右千牛衛大將軍彥華之子以蔭
授奉禮校書二郎煜歸朝不忘舊恩欲一見衛者難之乃被裝
笠冒爲漁者以見煜以爲忠後補廣文館生受知李昉登太平
興國進士除脩武簿再遷光祿丞獻文召試改著作佐郎通判
潁州外艱起知州事拜殿中丞使川陝均稅次渝涪聞夔州廣
武卒謀亂以計平之遷陝西巡副許便宜從事歲內誘羣民出

粟活饑民八萬餘口會秦隴賊趙包聚徒數千將趨劔閣附李順文寶移書蜀郡分兵討襲殲焉前後自環慶部糧越旱海入靈武者十二次曉達蕃情習其語言經由部落每宿營帳中往往以父呼之遷太常博士內侍方保吉誣與陳堯叟交游故薦其弟堯佐驛召置對文寶上書自明太宗察其誣坐保吉罪厚賜文寶而遣之俄加工部員外郎有龍猛卒戍環慶七年不得代思歸謀亂文寶矯詔以庫金給將士自劾請償詔免之建康以青白鹽許商人轉安邑解鹽於陝西官獲其利而諸羌益內行之數月戎人乏食相率寇邊內屬萬餘帳亦叛上遣錢若水馳傳往視悉除其禁召諸族撫諭乃定朝議城古威州遣內侍馮從順來訪文寶言城之便但環州至伯瀝伯瀝抵青岡青岡拒清遠皆兩舍而清遠當羣山之口扼塞門之要駕車野弘簡錄 卷一百六十一 唐會典六

帝行旅頓絕威州隔城東隅堅石盤互舊乏井脉請先建伯瀝青岡清遠三城為頓師歸重之地俟二年間秦民息肩營田積粟邊儲充實脩五原故城專三池鹽利以金帛啖羣頭酋豪子弟使為朝廷用不惟安朔方制豎子至於經營安西緩復河湟此其漸也詔從其議復以金帛誘蕃酋兒囉兒悉俄留其質子與手書要約許為刺史令監圖繼遷而兒囉等反告繼遷繼遷上表請罪上怒文寶猶含容之既而文寶復請禁鹽邊民冒法抵罪者眾席義決獄陝西廉得其狀以語中丞李昌齡昌齡以聞文寶又擅減解鹽價三司奏歲虧課二十萬下御史臺鞠問具伏詔書切責貶藍山令移枝江真宗徙京山咸平中召還授殿中丞掌荆南權貨務會慶州發卒護易糧詣靈州文寶策其必敗未幾果為繼遷所襲遷召文寶問計因獻河西隴右圖

叙其地利本末且言靈州可棄狀時方遣大將王超提靈武即復文寶工部員外郎隨軍轉運甫至環或言靈州已陷文寶乃易服單騎間道抵清遠盡得其實堯奏班師就除本路轉運使上疏請再拜清遠軍王漢忠以為生事遂徙河東又上言乞徙置管內廣銳兵萬餘於近南諸州就糧宰相李沆等言其非便上命錢若水詳議若水所對與沆同乃罷之先是麟府屯兵悉仰河東餉餽河潤裁數十步而往來阻隔土人利於艱至則芻粟增價乃言文寶於府州定羌軍經度置浮橋人以為便繼遷聞麟州令乘傳晨夜赴之聞解還刑部員外郎賜金紫項之寇準薦其熟於西事可備驅策復任陝西轉運復有言其張皇者又代以朱台符景德初契丹來犯仍徙河東安輯所部募鄉兵張繼備領蕃漢兵赴河北手詔褒諭未幾復泄京西陳和議經弘簡錄 卷一百六十一 唐會典六

久之策上嘉之三年召還遇疾祥符初卒年六十一文寶好談方略以功名為已任久在西邊參預兵計心有餘而識不足又不護細行所延薦雖多未嘗慎擇晚年病瘳以其子鄆州推官於陵為大理寺丞移知襄城以便養文寶多撓縣政然能為詩善篆書工鼓琴有集二十卷撰說苑二十卷江表志三卷董儼字望之洛陽人太平興國進士解褐大理評事歷遷淮南西路運副就命知光州儼狂躁務進不樂外郡上書乞還京師太宗大怒削館職徙知忠州俄復官與王繼昇同領水陸發運使轉刑部員外郎端拱初進郎中三司度支副使坐翟馬周事責海州團練副使移知泰州踰年改知泉州召為京東轉運使歷知江陵府景德中入朝命裁決開封滯囚俄判吏部銓以工部侍郎出知青州屬其姻家御史王濟言於西川轉運黃觀求

薦已知益州不遂與都監趙贊密奏觀背酒廢職觀具述求薦
反覆狀責授山東南道行軍司馬會赦起知郢州病疽卒年五
十四儼俊辨有材然不學無操行所至以賄聞又廣奇姪廢頗
事豪侈用傾校圖位終以是敗士夫醜之東封恩復其官子仲
容仲宗並為太子中舍兄偉至殿中丞

何蒙字叔昭洪州人少精春秋左氏傳李煜時獻書言事署錄
事參軍入宋授洺州推官太平興國五年調遂寧令太宗征契
丹遂作詩以獻召見授右贊善大夫三遷水部員外郎通判廬
州郡中火燔廨舍推務俱盡蒙假民器貸鄰郡麴米為酒既而
課增倍部使上其狀詔責緝錢獎之稍遷司門巡撫使潘慎修

薦其材敏驛召至京訪以江淮茶法蒙條奏利害稱旨賜緋魚
及錢十萬後二日復對又上淮南酒榷便宜特改庫部郎中因

弘簡錄

卷一百六十一

三

淮南府志

命至淮右提總其事歲有美利使還留提舉在京諸司庫務求
外知溫州坐舉人不當削一官真宗召復前資請開淮南鹽禁
時下哀楊允恭以禁鹽為便共排抑之出知梧州改水部郎中
上所著兵機要類十卷歷官至光祿少卿致仕卒年七十七
慎知禮衛信安人父溫其有詞學仕錢俶終元帥府判官知禮
幼好學年十八獻書署校書郎為掌書記宋初從俶子惟濟入
覲歸署營田副使入朝授鴻臚卿歷知陳州興元府母年八十
徐居宛丘懇求歸養退處十年縉紳稱其孝及服除表請納祿
至道三年以工部侍郎致仕自幼至白首歲讀五經周而後止
每開卷必正衣冠危坐未嘗少懈咸平初卒年七十七子從
吉字慶之儼之婿為元帥府長史歸宋歷將作少監改太子右
庶子真宗徵儲換衛尉少卿即位遷詹事頗以文酒自娛士夫

多與之游景德初刑部留意法律天下所奏成案率多糾駁
取所積犯人告身習之以市什器祥符初改衛尉卿糾察在京
刑獄拜右諫議大夫判吏部銓選人舊試多籍地而坐從吉為
市莞席給之改給事中臨事敏速動心公家所至務噉察嘗請
對陳事上多其無隱八年權知開封府屬一無所受適家民張
斌妻盧氏與姪質交訟被搆削職天禧中復起以光祿卿致仕
卒年七十喜為詩時有警語兼工醫術子孫登第入仕甚衆
朱紫者數人家富於財精治生又善為器具分遣權要晚年進
趨彌篤以至於敗物論鄙之子鏞金部度支員外郎秘閣校理
錯太常博士

張佑初名志言字仲雅本燕人徙渭南父昉有史材歷知雜御

史官郎至殿中少監佑少有志節蔭補殿前承旨以習儒獻文
弘簡錄

卷一百六十一

四

淮南府志

西

淮南府志

求試換國子監丞遷著作佐郎監三白渠知涇陽縣端拱初為
右贊善大夫命按曹州民被誣殺人者繫捕姦伏民冤得雪至
道中通判陝州部送芻糧赴靈武就改國子博士咸平初為陝
西運副賜緋魚至延安遇夏人入寇親督兵擊敗之三年徙西
川運副討王均僞餉有勞遷虞部員外郎賊平分川陝為四路
授利州路轉運使有薦其武幹者召還授如京使歷涇原麟府
鈐轄兼知鎮戎軍率兵與夏人戰親射殺酋帥俘獲甚衆餘黨
遁去詔書褒獎賜錦袍金帶景德中徙益州鈐轄領宜州刺史
遷文思使御軍撫民頗有威惠蜀人懷之祀汾陰以為西京舊
城巡檢禮成加北作坊使充趙德明官告使以薦知秦州置四
門營開拓疆境事具吐蕃傳時朝廷方務寧邊以佑輕信易事
邊境數侵徙邠寧路鈐轄天禧初召為契丹國信副使再遷西

上開門使涇原鈐轄卒年六十九信涉微書史好吟詠勇敢善射有方略其總戎護塞以威名自在子宗象兵部員外郎直史館至度支判官

胡則字子正永康人登進士補許州尉調憲州錄事參軍時命李繼隆討靈夏轉運索湘命則部送芻糧計足支一月則言為百日備尚恐不支奈何僅一月耶湘懼無以給遣則入奏太宗因問邊策對稱旨命中書記其姓名項之繼隆移文言兵且深入糧可繼否則謂彼師老將歸欲以糧乏為辭耳姑以有餘報之湘從之後其言果效改著作佐郎以州觀察判官再遷提舉江南路銀銅場鑄錢監得吏所匿銅數萬斤籍為羨餘不之罪改江淮制置發運使遷戶部員外郎真宗幸亳還擢三司度支副使與丁謂厚驟得進用謂罷出為京西轉運使坐部內訛言

弘簡錄 卷一百六十一 五 官宋六

相驚徙廣西按宜州重辟十九人活者九人累遷太常少卿乾寧初復坐謂黨降知信州徙福州以右諫議大夫知杭州入權吏部流內銓坐失舉又責池州未行復改知永興軍徙河北都轉運使以給事中權三司使通京東西陝西鹽法人甚便之俄坐假御史王沿官舟販鹽其子又祈買酒場為張宗壽所發山都陳州劉隨言其奸貪復徙杭州再遷兵部侍郎致仕卒則果政負材幹交結尚風義謂賔客皆散則問遣人至海上償歸如平日在福州有前守陳絳所延客龍昌期為人講易得錢絳獲罪併械昌期至即破械館以賓禮出俸錢為償所費昌期蜀人嘗誌易詩書論語孝經陰符經老子凡百餘卷薦補四門助教文彥博守成都置府學收校書郎以殿中丞致仕嘉祐中年八十餘詔取其書昌期野服自詣京師賜緋魚并絹百匹

劉敞言其與端吉道其說詭誕穿鑿至詆斥周公不當推獎奪所賜罷歸卒

張乘字孟節新安人父諤字昌言南唐祕書丞通判鄂州與州將許昌裔歸款太祖召見勞賜良厚授右贊善大夫蜀平遷知開州太平興國中除西州運副建議土人罕習舟楫因置威權軍分隸管勾自是消運無復舟之患後終判湖江浙制置茶鹽副使乘儀狀豐麗屬詞敏速善書翰太宗喜之擢冀州科解褐將作監丞通判宣州遷監察御史為趙普所器以弟之女薦知鄭州還直昭文館遷右司諫命副趙昌言制置茶鹽入為右計司河南西道判官累遷工兵二部郎中真宗時判昭文館為左諫議大夫連知穎襄二州徙鳳翔訴母老食重詔給裝錢改江陵母憂起復知河南景德初換河陽澶州駕當巡幸又徙滑

弘簡錄 卷一百六十一 五 官宋六

州迎謁韋城俾預從官侍食遣與齊州馬應昌濮州張晟往來河上邵丁夫繫凌以防契丹南渡召歸拜工部侍郎知審官院歷通進銀臺封駁糾糾察在京刑獄與周起同試東封路舉人出知永興軍祀汾陰為東京留守判官轉禮部侍郎加樞密直學士知并州御製五言詩賜之徙相州恭疾卒生平無頗赫舉臨事少斷好諧戲脩飾衣服潔饌具每公宴或朋友會集自挈肴膳而往家貧常賃衣以給黃震字伯起浦城人登進士累遷著作佐郎通判遂州時有詔給軍士錢東州獨未及軍士欲為變震白主者曰朝廷豈忘東川耶始詔書稽留爾主者以為然即開州帑給錢如西川衆乃定未幾詔果至震歷遷江淮發運使以論李溥與交訟奪一官罷畏丁謂權不敢自直謂貶復起知饒州徙廣東轉運奏罷廣

南歲進異花道路便之卒詣進其官一等

邊肅字安國應天府楚丘人登進士除大理評事知於潯縣改太常博士魏羽薦為戶部判官祠南郊超薦慶支員外郎至道初太宗以三司鈎取無法置行帳司以會財用之數命肅主之帳成遷工部郎中真宗幸大名經度行在糧草收判開拆司出知曹州徙邢州先是州屢地震城堞摧圯會契丹大入鎮魏深趙磁洛六州閉壁不出帝密詔肅若州不可守聽便宜南保肅因請不登督丁壯乘城大開諸門率所部兵嚴陣以待老幼趨城者開門納之契丹莫測居三日引去擢樞密直學士徙宣州車駕朝陵徙河南還勾當三班院出知天雄軍徙真定累遷給事中與代者王嗣宗有隙諷通判東方慶訟肅貶岳州團練副使久之徙武昌安遠泰寧三軍節度副使連知光潤泰三州卒

弘簡錄

卷一百六十一

子訓終兵部員外郎福建轉運使

劉式字叔達袁州人李煜時舉三傳歸宋遷大理丞贊善大夫通州豐利監端拱中初三年磨勘法命式主之賜緋又建議置主轄支收司以謹財賦出納遷秘書丞與陳靖使高麗至道中併三勾院為一仍命式領之轉工部員外郎賜金紫式深究簿領之弊奏免舊日江淮間橫賦逋積至多人以為便然多所條奏檢校過峻為下吏所訟免官卒真宗追錄前効賜其子立本學究出身次子立之後為國子博士立德立禮重進士及第立禮殿中丞

魏廷式字君憲大名宗城人少明法律監軍魏咸美以同宗延置館舍善待之中太平興國進士授期州法曹掾運使李惟清奏其有吏材擢知桃源縣遷將作監丞改著作佐郎通判穎州

淳化二年始命李昌齡判審刑院以廷式明練刑章奏為詳議官屢進對太宗悅其明辨遷太子左贊善大夫時初較廷臣殿最命與承旨趙鎔李著同勾當三班院多所規制越王生日令持禮物賜之趙拜主客員外郎尋出知利州討李順就命充陝益二路運使入奏事不時召對問方略稱旨賜錢五十萬賊平入判大理寺至道初承傳河朔決獄復出知宋潭二州湖南地土沃衍民喜訟產巧偽難辨至則立裁之吏民咸服轉吏部員外郎知桂州真宗改工刑二部郎中會王繼恩有罪下吏命同按之踰宿而獄具俄知審官院通進銀臺封駁司拜右諫議大夫知審刑院出知涇州卒年四十九錄其子舜卿太祝為卿同學究出身延試所至以嚴明稱剛果敢言上頗厚遇之然性傾險喜中傷人君子憚其口而鄙其行

弘簡錄

卷一百六十一

七

唐書宋六

盧之翰字維周祈州人曾祖玄卿為肅州知人雄軍掌書記父龍蔡州防禦判官之翰少為學家貧客遊館于單州防禦使劉乙登第授大理評事知臨安三遷殿中丞通判涪州募城中丁壯夾岸御河以固城壁契丹入不能犯吏民詣闕借留召還遷太常博士歷河東京西轉運副使建議導渭河合于淮達首以便漕運累遷吏部員外郎討李順兼西川安撫轉運使坐薦大理丞李憲犯賊抵死又心知副使鄭文寶禁蕃商貨鹽非便不為勸止左授國子博士領使如故尋復職補洛河之敗詔分三道護送之翰違詔擅併為一大失輜重詔博士王用和乘傳逮捕繫獄除名貶洪州司馬明年起為工部員外同勾當陝西轉運真宗復吏部以久次召拜禮部郎中賜金紫復遣之任咸平初有疾代還未幾復為京西運使朝議城故原州以張守

之翰沮罷之其後西鄙不寧詔葺為鎮或軍帥之翰知歸州三年授廣南西路轉運就改太常少卿知廣州無廉稱與運使凌策不協陰發其事徙知永州卒年五十七

弘簡錄卷一百六十一 終

九 唐書卷六

弘簡錄卷一百六十二

明刑部員外郎仁和弘齋邵經邦學

皇清翰林院侍講學士四世孫遠平校閱

庶官 宋六之七

陳靖 林勛附 邵瞻 劉師道 盧琰 子士 王陟

李士衡 子丕 靳懷德 梁鼎 楊覃 從子 馬元方

凌策 宋搏 鄭向 趙賀 李垂 子作

陳知微 李防 梅詢 陳貫 子安 狄棐 子遵

郎簡 張若谷 陳大素 馬會 張傳

崔立 張逸 張旨 鍾離瑾 張洞

陳靖字道卿莆田人父仁璧仕陳洪進為泉州別駕洪進歸朝有豪猾負儉為亂靖徒步謁轉運使楊克巽陳討平之策授陽弘簡錄卷一百六十二 宋書卷七

翟縣簿契丹犯邊上五策于朝曰明賞罰撫士衆持重示弱待利而舉帥府許自辟士將帥專制境外太宗善之改將作監丞為御史臺推勘官父喪起復秘書丞直史館判三司開拆司會命大臣為租庸使或兼屯田制置副以三司判官通知民事者二人兩京東西千里檢責荒地籍逃民產募人耕作賜以室廬犁種口食不足給以庫錢別其謀為十分責州縣勸課分殷最為三等其最者令佐免選超資殷者增選降資每州通以諸縣田為十分視其殷最以行賞罰候數歲盡罷官屯田悉用賦民然後量入授田度地均稅約井田之制立為定法頒行天下太宗詔宰相呂端曰靖此策深合朕意命召見賜食下三司陳恕等雜議詔以靖為京西勸農使擇大理丞皇甫選光祿丞何亮

副之選等言其功難成帝不謂然後以羣議終不同罷之出請
知婺州再遷刑部員外郎真宗即位復列前所論勸農事言國
家禦西北戎仰東南食設有不足則誤大計請自京東西及河
北諸州大行勸農之法以殿最課州縣官吏歲可省江淮漕百
餘萬有詔條上除為京畿均用使請令刺史行春縣令勸耕賜
孝悌力田者爵並五保以檢察盜盜籍游惰之民以供役作行
三司議皆不果行後歷度支判官淮南運副兼管勾發運司公
事徙河南轉運使論前李氏橫賦於民凡十七事詔罷其尤甚
者徙知潭州祀汾陰為行在三司判官歷京西東轉運使知泉
蘇越三州歷遷集賢院學士知建州復徙泉州拜左諫議大夫
與丁謂善以老疾轉秘書監致仕卒平生好學通古今多建畫
於農事尤詳 林勳者賀州人狂政和進士為廣州教授高宗
弘簡錄 卷一百六十二 宋史官七

建炎三年獻本政書十三篇言國家兵農之政率因唐末之故
今農貧而多失職兵驕而不可用是以饑民竄卒類為盜賊宜
倣古井田之制使民一夫占田五十畝其有羨田之家併得再
市其原無與游惰末作者皆驅之使隸農耕以田之羨者雜紐
錢穀以為十一之稅又言宋之二稅視唐增至七倍今本政之
制每十六夫為一井提封百里為三千四百井率稅米五萬一
千斛錢萬二千緡每井賦二兵馬一匹率為兵六千四百人馬
三千四百匹歲取五之一以為上番之額以給征役無事則又
分為四番以直官衛給守衛是民凡三十五年而役使一歲歲
食米萬九千餘斛錢三千六百餘緡無事則減四分之三皆以
一同之租稅供之匹婦之貧絹三尺綿一兩百里之縣歲收絹
四千餘疋綿三千四百斤非蠶鄉則布六尺麻二兩所收視絹

綿率倍之行之十年則民之口算官之酒醋與凡茶鹽香礬之
權皆可弛以予民其說甚備書奏以為桂州節度掌書記到任
又獻比較書二篇大略謂桂州地東西六百里南北五百里以
古尺計之為方百里之國四十當墾田二百二十五萬二千八
百頃有田夫二百四十萬八千出米二十四萬八千斛祿卿大夫
以下四千人祿兵三十萬人今桂州墾田約祇萬四千二百頃
祇二十一萬六千六百一十五稅祇錢萬五千餘緡苗米五萬
二百斛有奇州縣官不滿百員官兵五千一百人蓋土地荒蕪
而游手末作之人眾是以地利多遺財用不足皆本政不修之
故朱熹甚愛其書陳亮亦謂此書考古驗今思慮周密可謂勤
矣後世為井田之學者孰有加於勳者乎要必有英雄特起之
君用於一變之後成順致利則民不駭而可以善其後矣
弘簡錄 卷一百六十二 宋史官七

冊曰井田之學悉為空言聊存其槩以備化原
邵鼎字日華其先京兆人唐末喪亂曾祖岳望族之湖南彭亨
刺全州辟為判官遂家桂陽祖崇德道州錄事參軍父簡連山
令睦幼嗜學登太平興國進士解褐邵陽縣簿改大理評事遷
州錄事參軍知州楊金性暴率誣民張道豐三人劫盜悉寘于
死睥白令核實不聽既而捕獲正盜金坐削籍睥代還引對太
宗嘉獎以能活平民賜錢五萬權光祿寺丞仍以金事戒諭天
下尋使廣南採訪刑獄歷遷工部員外郎淮南轉運使景德中
假光祿卿充交趾安撫國信使會黎桓死子龍鉞嗣兄龍全弟
龍延殺鉞自立龍明復率扶南兵攻戰事聞改命睦為緣
海安撫使許以便宜為設方略貽書諭朝廷威德俾速定位明
護等聽命奉龍廷主軍事有詔俟其事定即以黎桓禮物收賜

新帥臚上言不若俟龍廷貢奉別加封爵而寵賜之真宗嘉納使還改兵部員外郎賜金紫嘗上邑至交水陸路及宜州山川等四圖頗詳控制之要判三司勾院坐失舉停任祥符初起知兗州表請東封就命為京東轉運使禮畢拜刑部郎中再遷右諫議大夫知廣州鑿內濠通舟楫不能害卒年六十三

劉師道字損之開封東明人右樞密澤之子登雍熙進士授和州防禦推官歷保寧鎮海節度從事凡十年王化基呂祐之薦于朝擢著作佐郎遷殿中丞出知彭州就加監察御史運使劉錫馬襄上其治跡召歸會浦渚之敗奉詔勅白守榮太宗獎其勤面賜緋魚命使西川賻經李嗣之亂有言川陝豪民多役旁戶小民為佃客平居伏如奴隸有難則鳩集之請釋豪民為耆長送主旁戶有勞則授以官師道還奏迭使主領則爭忿滋多弘簡錄 卷一百六十二 宋史官七

署以名級又重增授害非便罷之改祠部員外郎出為京東轉運使進度支副使咸平初范正辭薦其材堪長民徙知潤州三年改淮南轉運兼江浙荆湖發運使以漕事入奏累遷三司使從幸澶淵判隨駕三司充都轉運使坐弟幾道舉進士與考官陳堯咨交通責授忠武軍行軍司馬郊恩起為工部郎中知復與秀州祥符二年改兵部郎知潭州遷太常少卿生平敏於吏事所至有聲吏民畏愛長沙當湖嶺都會制煩折滯案無留事歲滿復加樞密直學士換左司郎中留一任以暴病卒年五十四性慷慨尚氣善談世務與人交敦篤工為詩與楊億輩酬和時論稱之錄幾道試校書郎

盧琰字錫圭潤州人右諫議大夫浚子登太平興國進士解褐歷城縣簿以大理評事知安吉縣改太常丞通判并州就除博

士為開封判官古謝日真宗特召升殿面諭賜緡錢尋奏獄空有詔獎之遷工部員外郎為河北轉運副使時北鄙未寧調發軍儲糧道不絕琰以職務修舉建秩刑部郎賜金紫會城祈州命專董其役幸澶州奏單騎赴行在名對勞問轉大理寺丞契丹請和優拜吏部判三司勾院兼侍御史知雜事祥符二年為三司度支副使祀汾陰判留守三司加吏部郎中拜右諫議大夫知永興軍勤於吏職所至以幹集聞頗知命先母而卒年五十九母尚年八十餘上憫之官其子士倫太常博士給祿終喪至工部郎中度支副使 士宗字公彥舉五經為開州判官歷

審刑院詳議編敕刪定官提點江西刑獄侍講楊安國薦其經術仁宗御延和殿詔講官悉升殿聽士宗講易明日復命講泰卦授天章閣待講賜三品服加直龍圖閣判流內銓言李參郭弘簡錄 卷一百六十二 宋史官七

申錫兩人皆為時用決河訟當驗問不宜遽鞠詔但黜申錫為州進士宗直學士知審刑院通進銀臺司仁宗神主祔廟禮院請以太祖太宗為一世而增一室士宗據禮太祖之廟萬世不毀其餘昭穆親盡即毀示有終也今僖祖親盡當遷合於典禮不當添展一室後卒從增室之說議者咎之出知青州入辭論知人安民之要勸英宗守祖宗法以病改沂州熙寧初以禮部侍郎致仕卒年七十一士宗本以儒者長刑名之學在刑部審刑前後十數年人多稱其仁恕

王陟潞州上黨人登淳化進士補鳳州團練推官督運有勞遷晉州觀察推官至道初度支李擇言薦為著作佐郎通判大名真宗尹京留為開封司錄參軍前司錄閻仲卿喜議論敢為屢升殿奏事真宗頗不悅之陟獨以謹幹被待遇即位召賜緋魚